

四庫全書

史部

欽定四庫全書

欽定續通志卷六十

元紀四

世祖三

至元十七年春正月辛亥磁州永平縣水給鈔貸之丙
辰立遷轉官員法又定諸路差稅增益者即上報隱漏
者罪之丁卯改近郊詔毋以侍衛軍供工匠役戊辰敕
姜衛檢覈阿爾哈雅呼圖克特穆爾等所俘丁三萬二

千餘人並放為民置行中書省於福州二月丁丑詔尼
雅斯拉鼎將精兵萬人征緬國己丑日本國殺國信使
杜世忠等丙申詔真人析志誠等焚毀道藏偽妄經文
及板庚子發侍衛軍三千浚通州運糧河三月甲辰車
駕如上都罷通政院官不勝任者丙午救東西兩川發
蒙古漢軍戍魚通黎雅乙卯立都功德使司掌奏帝師
所統僧人并吐蕃軍民等事己未詔討羅氏鬼國命以
蒙古軍六千哈喇章軍一萬西川雅爾哈萬嘉努軍萬

人阿爾哈雅軍萬人三道並進癸亥賑高郵等處饑辛
未立輝和爾境內交鈔提舉司夏四月壬申朔詔以孟
古岱仍行省福州癸酉南康社可用叛命史弼討擒之
定杭州宣慰司官四員以游顯管如德呼圖克劉宣充
之乙酉以宋太常樂付太常寺丁亥立杭州路金玉總
管府甲午敕軍戶貧乏者還民籍五月甲辰作行宮於
察罕淖爾癸丑詔雲南行省發四川軍萬人命雅哈爾
領之與前所遣將同征緬國高麗國王王晙以民饑乞

貸糧萬石從之移福建行省於泉州六月丁丑西安王
薨罷王相府遣呂吉蠻部安撫使王阿濟同萬戶咎坤
招諭羅氏鬼國壬辰召范文虎議征日本戊戌江淮等
處頒行鈔法廢宋銅錢遣博羅哈達等檢覈江淮錢糧
秋七月己酉立行省於京兆以前安西相李德輝為參
知政事兼領錢穀事徙泉州行省於隆興戊午以參知
政事郝禎耿仁並為中書左丞開膠東河乙丑罷江南
財賦總管府戊辰詔括前願從軍者及張世傑潰軍使

征日本已遣中使耀尼歷江南名山訪求高士且命
持香幣詣信州龍虎山臨江閣皂山建康三茅山皆設
醮八月乙亥改蒙古侍衛總管為蒙古侍衛親軍都指
揮使司戊寅以前所括願從軍者為軍付察呼領之征
日本丁亥許衡致仕官其子師可為懷孟路總管以便
侍養納碧玉盞六白玉盞十五於太廟戊戌高麗王王
賸來朝且言將益兵三萬征日本以范文虎實都洪俊
奇為中書右丞李庭張巴圖為參知政事並行中書省

事九月壬子車駕至上都壬戌伊克德濟進征鄂端
丁卯羅氏鬼國主阿察及阿西降西安王相李德輝遣
人偕入覲冬十月癸酉加高麗國王王璿開府儀同三
司中書左丞相行中書省事甲戌遣使括開元等路軍
三千征日本丙子賜雲南王和克齊印丁丑以湖南兵
萬人伐亦奚不薛亦奚不薛降辛巳立營田提舉司置
司柳林割諸色戶千三百五十五隸之官給牛種農具
壬午詔立陝西四川等處行中書省甲申詔龍虎山天

師張宗演赴闕已丑以達實為招討使往西域窮黃河源壬辰亦奚不薛稱病遣其從子入覲帝曰亦奚不薛不稟命輒以職授其從子無人臣禮宜令亦奚不薛出始罷兵丙申命在官者任事一月始給俸遣使諭瓜哇國及交趾國始製象輪十一月己亥朔翰林學士承旨和爾果斯等言俱藍馬入閣婆交趾等國俱遣使進表乞答詔從之仍賜交趾使人職名及弓矢鞍勒降詔招諭瓜哇國戊申中書省臣議疏通鈔法辛亥敕緩營建

工役壬子詔諭俱藍國使來歸附甲子頒授時歷十二月庚午江淮行省平章政事阿里布左丞雅克特穆爾有罪誅之辛未以熟券軍還襄陽屯田高麗國王王暎領兵萬人水手戰船糧艘從征日本諭諸道出征日本兵取道高麗毋擾其民癸酉以高麗國王王暎為中書右丞相戊寅以奉使木剌由國斯隆瑪等為招討使乙酉敕民避役竄名匠戶者復為民淮西宣慰使昂吉爾請以軍士屯田安塔哈等以發民兵非便宜募民願耕

者耕之且免其租三年從之壬辰陳桂龍據漳州反索
多率兵討之桂龍亡入畚洞甲午重建太廟成自舊廟
奉遷神主於拓室行大享禮置鎮北庭都護府於輝和
爾境以托克托穆爾等領其事丙申敕鏤板印造帝師
帕克斯巴新譯戒本五百部頒降諸路僧人左丞相阿
珠巡歷西邊至巴實伯里以疾卒賑葺昌常德等路饑
民免其徭役

十八年春正月丁未畋於近郊敕江南州郡兼用蒙古

回回人丙辰車駕如鄯州收天下諸司職印二月辛未

車駕如柳林乙酉改輝和爾斷事官為北庭都護府丙

戌賑浙東饑己丑發肅州等處飢民鑿渠溉田乙未皇

后鴻吉哩氏崩

按元史后妃傳鴻吉哩氏於至元十四年二月崩紀書於十八年二月彼此互

異丙申車駕還宮詔三茅山三十八代宗師蔣宗瑛赴

闕遣丹巴巴克實等詣東海及濟源廟修佛事以中書

右丞行江東道宣慰使阿嚙罕為中書左丞相行中書

省事江西道宣慰使兼招討使頁特密實參知政事行

中書省事以遼陽懿蓋水北京大定諸州旱免今年租
稅之半三月戊戌許衡卒甲辰命天師張宗演即宮中
奏赤章於天七晝夜丙午車駕如上都辛酉立登聞鼓
院許有寃者撾鼓以聞夏四月辛巳賑通泰二州饑戊
子置蒙古漢人新附軍總管五月癸卯禁西北邊回回
諸人越境為商甲辰遣使賑瓜沙州饑戊申罷霍州輝
和爾按察司己酉禁甘肅瓜沙等州為酒壬子免耽羅
國今歲入貢白紵丙辰以烏蒙阿謀宣撫司隸雲南行

省庚申嚴鬻人之禁之食者量加賑貸壬戌括契丹戶
敕耽羅國達嚕葛齊達喇齊禁高麗全羅等處田獵擾
民者六月丙寅敕賽音諤德齊和尼齊分管鄂摩巴圖
奇爾等八處民戶以太原新附軍五千屯田甘州丁亥
故奇徹所招獵戶七千為民庚寅以阿婁罕有疾詔安
塔哈統率軍馬征日本壬辰以中書左丞呼圖克特穆
爾為中書右丞行中書省事御史中丞行御史臺事呼
剌珠為中書左丞行尚書省事秋七月丁酉敕甘州置

和中所以給兵糧京兆四川分置行省於河西己亥河
嘯罕卒庚子枯回回斲手散居他郡者悉令赴南京屯
田辛酉索多征占城賜馳蓬以避瘴毒占城國來貢象
犀八月甲子朔招討使方文言擇守令崇祀典戢奸吏
禁盜賊治軍旅獎忠義六事詔廷臣及諸老議舉行之
庚午以孟古岱為中書右丞行中書省事乙亥申嚴大
都總管府兵馬左右巡院斂民之禁壬辰以開元等路
六驛饑命給幣帛萬二千匹民鬻妻子者官為贖之詔

征日本軍回所在官為給糧實都洪俊奇范文虎李庭
金方慶諸軍船為風濤所激大夫利餘軍回至高麗境
十存一二設醮於上都壽寧宮海南諸國來貢象犀方
物閏月丙午車駕至自上都丁巳命播州每歲親貢方
物改思州宣撫司為宣慰司兼管內安撫使敕中書省
減執政及諸司冗員括江南戶口稅課壬戌詔諭鄂端
等三城官民及呼圖克岱爾括布呼齊人口兩淮轉運
使阿剌卜丹坐盜官鈔伏誅九月癸亥朔改於近郊甲

子增大都巡兵千人賑上都饑民癸酉定市舶商貨已
經泉州抽分者諸處止令輸稅庚辰帝還宮辛巳大都
立蒙古站屯田編戶歲輸包銀者及真定等路闌遺戶
並令屯田其在真定者與免皮貨冬十月丙申募民淮
西屯田己亥議封安南王號易所賜安南國輝和爾字
虎符以國字書之乃降詔諭安南國立日烜之叔遺愛
為安南國王壬寅賜征日本將校衣裝幣帛靴帽等物
有差乙巳命安西王府協濟戶及南山隘口軍於安西

延安鳳翔六盤等處屯田河西置織毛段匠提舉司丁
未安南國置宣慰司以北京路達魯噶齊巴延特穆爾
參知政事行安南國宣慰使都元帥佩虎符察楚克鴻
和爾副之己酉張易等言參校道書惟道德經係老子
親著餘皆後人偽撰宜悉焚毀從之仍詔諭天下命實
哩哈雅僧格巴拉滿濟勒噶為占城郡王加榮祿大夫
賜虎符立行中書省於占城以索多為右丞劉深為左
丞兵部侍郎伊埒默色參知政事庚戌敕以海船百艘

新舊軍及水手合萬人期以明年正月征海外諸番仍諭占城郡王給軍食以安南國王陳遺愛入安南發新附軍千人衛送詔諭干不昔國來歸附壬子用和爾果斯言於揚州隆興鄂州泉州四省置蒙古提舉學校官各二員以翰林學士承旨色埒默兼領會同館集賢院事以平章政事樞密副使張易兼領祕書監太史院司天臺事以翰林學士承旨和爾果斯守司徒改大都南陽真定等處屯田布呀齊總管府為農政院癸丑皇太

子至自北邊十一月陳弔眼伏誅己巳敕高麗國金州等處置鎮邊萬戶府以控制日本高麗國王請完濱海城防日本不允壬午詔諭瓜哇國主使親來覲己丑賜禮部尚書留夢炎及出使馬八兒國溫都爾等鈔各有差十二月甲午以昂吉爾岱為中書右丞相己亥罷日本行中書省癸丑敕免益都淄萊寧海開河夫今年租賦仍給其傭直丙辰免福州路十八年以前租稅是歲保定路清苑縣水平陽路松山縣旱高唐夏津武城等

縣蟲害稼並免今年租

十九年春正月丙寅罷征東行中書省丁卯諸王扎拉呼至自軍中丙子車駕政於近郊二月辛卯朔車駕如柳林以饒州總管姚文龍為江西道宣慰使兼措置茶法修宮城太廟司天臺癸巳調軍一萬五千馬五千匹征也可不薛甲午議征緬國以台布為右丞伊克德濟為參政領兵以行壬寅命軍官陣亡者其子襲職以疾卒者授官降一等具為令戊申車駕還宮己酉減省部

官冗員改上都宣課提領為宣課提舉司立鐵冶總管
府罷提舉司減大都稅課官十四員為十員改羅羅斯宣
慰司隸雲南省分軍戍守江南自歸州以及江陰至三
海口凡二十八所庚戌以參知政事唐古特等六人鎮
守黃州建康江陵池州興國士子詔簽亦奚不薛及播
思叙三州軍征緬國甲寅車駕如上都申嚴漢人軍器
之禁三月辛酉朔烏蒙民叛敕諾海哈喇蘇默率蒙古
漢人新附軍討之益都千戶王著以阿哈瑪特蠹國害

民與高和尚合謀殺之壬午誅王著張易高和尚於市

按阿哈瑪特黨國害民因法所當誅但非王者所得擅殺且連結故人矯令發兵是直叛逆矣伏讀通鑑輯覽

御批

謂太子珍戩已參朝政既知阿哈瑪特之奸何難告之世祖明正其罪乃以素所嫉惡之故為著輩所窺致得假北妄行構為禍亂他日釀成疑釁皆其不能防慎嫌微有以致之也謹錄識之

護阿必實克為御史大夫行御史臺事夏四月丁酉以

和爾果斯為中書右丞相降右丞相昂吉爾岱為留守

仍同簽樞密院事戊戌征蠻元帥鄂勒哲圖等平陳弔

眼餘黨其父及兄弟皆納款令送赴京師教以大都巡

軍隸留守司壬寅立回易庫中書左丞耿仁等言諸王
公主分地所設達嚕噶齊例不遷調百姓苦之依常調
任滿從本位下選代為宜從之乙巳帝悟阿哈瑪特之
奸以其子江淮行中書省平章政事呼遜罪重於父議
究勘之考覈諸處平準庫汰倉庫官戊申敕凡文書俟
奏可始用御寶己酉刊行蒙古輝和爾字所書通鑑以
和爾果斯為右丞相庚戌詔慰諭軍民應逋欠錢糧及
官吏侵盜並權停罷拘括江南官豪隱匿逃軍壬子罷

江南諸司自給驛券丙辰敕以妻女姊妹獻阿哈瑪特
得仕者黜之覈阿哈瑪特占據民田給還其主庇富強
戶輸賦其家者仍輸之官定民間貸錢取息之法以三
分為率定內外官以三年為考五月己未朔鉤考萬億
庫及南京宣慰司沙汰省部官凡阿哈瑪特黨人並黜
之追治阿哈瑪特罪剖棺戮其尸罷南京宣慰司及江
南財賦總管府戊辰併江西福建行省去江南冗濫官
己巳遣浙西道宣慰司同知劉宣等理算各鹽運司及

財賦府茶場都轉運司出納之數籍阿哈瑪特妻子親屬所營貨產其奴婢縱之為民罷宣慰使所帶相銜癸未沿海左副都元帥石國英請以稅戶贍軍軍逃死者令其補足站戶苗稅貧富不均者宜均其役又請行鹽法汰官吏罷補戶詔中書集議行之張惠阿里罷以甘肅行省左丞敏珠爾丹為中書右丞行御史臺御史中丞張雄飛參知政事乙酉元帥綦公直言乞黜逃軍仍使從軍及設立冶場於巴實伯里鼓鑄農器從之六月

己丑朔日有食之戊戌以占城既服復叛命索多討之
亡宋軍有手號及無手號者並聽為民己亥命何子志
為管軍萬戶使暹國壬子申敕中外百官立限決事癸
丑從和爾果斯言罷司徒府及農政院詔逮呼遜赴揚
州鞠問丁巳征亦奚不薛盡平其地秋七月戊午朔日
有食之立行樞密院於揚州鄂州庚申命行御史臺揀
汰各道按察司官辛酉剖阿哈瑪特黨郝禎棺戮其尸
庚午令蒙古軍守江南者更番還家壬申立馬湖路總

管府戊寅議築阿實達必實古皇城乙酉閣婆國貢金
佛塔八月癸巳發羅羅斯等軍助征緬國辛亥車駕駐
蹕龍虎臺申嚴以金飾車馬服御之禁禁諸監官不得
令人匠私造物器甲寅帝還宮乙卯御正殿受皇太子
諸王百官朝賀九月丁巳朔敕中書省窮治阿哈瑪特
之黨以阿哈瑪特沒官田產充屯田籍阿里家戊午誅
阿哈瑪特第三子阿薩爾庚申汰冗民游顯亡罷漣海
州屯田以其事隸管民官從之仍以顯平章政事行省

揚州平酉誅耿仁蘇都爾丹及阿哈瑪特第四子實都

招討使楊庭璧招撫海外南番皆遣使來貢

按楊庭璧
史紀誤作

楊庭堅今據馬
八兒國傳改

壬戌敕官吏受賄及侵盜倉庫輕者杖

決重者處死言官緘默與受贓者一體論罪己巳定雲

南賦稅用金為則罷雲南宣慰司癸酉阿哈瑪特姪宰

努鼎伏誅罷呼遜黨馬璘江淮行省參知政事乙亥乙亥

史誤作丁亥據
上下干支改

遣使括雲南所產金以博羅為打金洞

達魯噶齊壬午

壬午史誤作壬申
據上下干支改

釐正選法置黑簿以

籍阿哈瑪特黨人之名令諸路歲貢儒吏各一人各道

提刑按察司舉廉能者升等遷叙冬十月辛卯以耶律

鑄為中書左丞相壬辰享於太廟罷西京宣慰司丙申

立詹事院以鄂勒哲為右詹事賽音為左詹事由大都

至中灤中灤至瓜洲設南北兩漕運司

按瓜洲史紀誤作瓜州考食貨

志至元十九年十二月立京畿江淮都漕運司二每歲令江淮漕運司運至中灤京畿漕運司自中灤運至上都此瓜

洲當即江淮漕運司所屬之瓜洲也謹據改但志書於十二月與此不符

分禁中出納為三

庫乙巳遣阿達招降法里郎阿魯乾伯等國罷屯田總

管府以其事隸樞密院令管軍萬戶兼之丙午以汪惟
孝為總帥丁未議征义巴洞庚戌議減四川冗官禁大
都及山北州郡酒詔兩廣福建五品以下官從行省就
便銓注耶律鑄言有司官吏以采室女乘時害民如今
大郡歲取三人小郡二人擇其可者厚賜其家否則遣
還為宜從之籍京畿隱漏田復畝收稅命游顯專領江
浙行省漕運乙卯誅阿哈瑪特長子呼遜第二子瑪蘇
庫於揚州皆醢之十一月戊午置利用庫於上都丁卯

江南襲封衍聖公孔洙入覲以為國子祭酒兼提舉浙東道學校事壬申以勢家為商賈者阻遏官民船立沿河巡禁軍犯者沒其家甲戌中書省臣言天下重囚除謀反大逆殺祖父母父母妻殺夫奴殺主因姦殺夫並正典刑外餘犯死罪者令充日本占城緬國軍從之改鑄省印丙子四川行省招諭大盤洞主向臭友等來朝戊寅馬八兒國遣使以金葉書及土物來貢

按馬八兒國傳至元

二十年遣僧錯克濟巴勒入朝不載十九年入貢事紀於十九年書來貢而二十年反畧之互異

罷都

功德使圖烈齊修設佛事妄費官物皆徵還之十二月
壬辰以張文謙為樞密副使乙未命瀛國公趙鼎赴上
都殺宋丞相文天祥癸卯徵處士劉因為右贊善尋辭
歸朱清張瑄獻海運策命總管羅璧暨瑄等造海船由
海道運糧至大都浚濟川河罷湖廣行省金銀鐵冶提
舉司以其事隸各路總管府以扎薩克為平章政事詔
立帝師帕克爾瑪巴拉喇吉塔掌玉印統領諸國釋教造
帝師帕克斯巴舍利塔

二十年春正月己未立鴻吉哩氏為皇后和爾果斯言
去冬中山府姦民薛保住為匿名書來上妄效東方朔
書欺罔朝廷希覬官賞敕誅之又言自今應訴事者必
須實書其事赴省臺陳告其敢以匿名書告事重者處
死輕者流遠方又阿哈瑪特專政時衙門太冗虛費俸
祿宜依劉秉忠許衡所定併省為便皆從之設務農司
丙寅發五衛軍二萬人征日本以燕南河北山東諸郡
去歲早稅糧之在民者權停勿徵仍諭自今管民官凡

有災傷過時不申及按察司不即行視者皆罪之刑部
尚書崔彧言時政十八事詔中書省與御史大夫伊蘇
特穆爾議行之罷上都回易庫壬申命右丞實喇特穆
爾征日本丁丑以招討楊廷璧為宣慰使使諭俱藍等
國壬午車駕畋於近郊以四川歸附官楊文安為荆南
道宣慰使二月戊子定兩廣四川戍軍二三年一更廩
其家屬以春秋仲月上戊日祭社稷及武成王庚子減
四川官府併西川東西北三道宣慰司及潼川等路鎮

守萬戶府新軍總管府威灌茂等州安撫司十四處平
丑定軍官選格立官吏贓罪法丁未定安洞酋長遣其
兄弟入覲癸丑諭中書省大事奏聞小事便宜行之毋
致稽緩甲寅遣官慮揚州囚徒三月丁巳罷河西行御
史臺立鞏昌等處行工部罷福建市舶總管府併泉州
行省入福建行省免福建歸附後未徵苗稅己未罷京
兆行省立行工部乙丑罷淮安等處淘金官惟計戶取
金給西川福建兩廣之任官驛馬以湖南宣慰使張鼎

新行省參知政事樊楫等嘗阿附阿爾哈雅敕罷之丙寅車駕如上都江西行省參政完顏諾海坐越例驟升及妄舉人入官罷之罷河西辦課提舉司癸酉廣州新會縣林桂芳趙良鈐等聚衆偽號羅平國稱延康年號官軍擒之伏誅餘黨悉平乙亥罷諸處役夫辛巳立輝和爾四處驛及交鈔庫壬午祀太一罷福建道宣慰司復立行中書省於漳州以中書右丞張惠為平章政事御史中丞額森特穆爾為中書左丞並行中書省事夏

四月丙戌立巴實伯里和州等處宣慰司壬辰安塔哈
求軍官習舟楫者同征日本命元帥張林招討張瑄總
管朱清等行以高麗王就領行省規畫日本事宜甲午
免京畿所括豪勢田舊稅三之二新稅三之一禁近侍
為人求官紊亂選法申嚴酒禁有私造者籍其財產及
女子入官犯人配役申私鹽之禁許按察司糾察鹽司
癸卯授高麗國王王璿征東行中書省左丞相乙巳命
樞密院集軍官議征日本事宜程鵬飛請明賞罰有功

者軍前給憑驗候班師日改授從之庚戌右丞伊蘇岱
爾招撫筠連州定州河永都掌等處蠻獨山都掌蠻不
降進軍討之生擒酋長得蘭紐遂班師五月己未免五
衛軍征日本甲子立征東行中書省丙寅免江南稅糧
三之二敕阿爾哈雅調漢軍七千新附軍八千以付索
多從征辛未占城行省已破占城其國主補底適去降
璽書招徠之甲戌發征日本重囚往占城緬國等處從
征設高麗國勸農官四員丙子詔諭諸王桑阿克達爾

先是雲南重囚令便宜處決恐濫及無辜自今凡大辟罪仍須待報併省江淮雲南州郡以耶律琦克為中書參知政事戊寅用御史中丞崔彧言罷各路選取室女

按續通鑑綱目於四月書用崔彧言罷揀民間女子元史本紀書於五月戊寅互異頒行宋文思

院小口斛已卯海南四州宣慰使朱國寶請益兵討占城詔以阿爾哈雅軍萬五千人應之詔江南運糧於阿巴齊新開神山河及海南兩道運之立鄂拓克總管府六月丙戌申嚴私易金銀之禁以甘州行省參政王倚

為中書參知政事己丑增官吏俸丙申修大都城庚戌
流叛賊陳弔眼叔陳桂龍於噶達蘇之地辛亥四川行
省參政竒爾濟蘇等討平九溪十八洞以其酋長赴闕
定其地立州縣聽順元路宣慰司節制以向世雄等為
義巴諸洞安撫大使及安撫使秋七月丙辰免徵古珪
軍賦丙寅立亦奚不薛宣慰司益兵戍守開雲南驛路
分亦奚不薛地為三設官撫治之丁卯罷淮南淘金司
以其戶還民籍壬申亦奚不薛軍民千戶宋添富及順

元路軍民總管兼宣撫司阿里等來降立亦莫不薛總
管府命阿里為總管丙子減江南十道宣慰司官一百
四十員為九十三員敕上都商稅六十分取一立總教
院八月癸未以密拉齊平章軍國重事立懷來淘金所
甲午敕大名真定北京衛輝四路屯駐新附軍於東京
屯田丁未濟州新開河成立都漕運司九月戊午哈喇
岱等招降象山縣海賊尤宗祖等九千五百九十二人
按續通鑑綱目載象山縣民尤宗等亦聚眾萬
餘抄掠海上哈喇岱招降之與此互有異同

丙寅徙

舊城市肆局院稅務入大都減歲徵四十分之一辛未
以歲豐登開諸路酒禁廣東盜起遣兵萬人討之冬十
月壬辰車駕至自上都甲午以扎薩克為樞密副使詔
五衛軍歲以冬十月聽十之五還家備資裝正月番上
代其半還四月畢入役時各衛議先遣七人而以三人
自代從之乙未享於太廟庚子建寧路管軍總管黃華
叛衆幾十萬號頭陀軍偽稱宋祥興五年犯宗安浦城
等縣圍建寧府詔布琳濟達史弼等將兵二萬二千人

討平之耶律鑄罷戊申立和琳平準庫罷中興管課提
舉司及北京鹽鐵課程提舉司遣官檢覈益都淘金欺
弊十一月丁巳命各省印造授時厯壬戌復立南京宣
慰司乙丑罷開成路屯田總管府入開成路隸京兆宣
慰司戊辰立司農司掌官田邸舍人民十二月辛丑以
海南道運糧招討使朱清為中萬戶賜虎符張瑄子文
虎為千戶賜金符徙新附官仕內郡丙午罷雲南造賣
金箔規措所罷雲南都元帥府及重設官吏定賈子令

凡大官子弟遣赴京師戊申雲南施州子童為亂殺叅知政事阿哈巴克實帥兵合羅羅斯脫兒世合討之

二十一年春正月乙卯羣臣奉上尊號曰憲天述道仁文義武大光孝皇帝大赦己未罷雲南都元帥府所管軍民隸行省甲子罷揚州等處理算官以其事付行省江浙行省平章孟古岱進真珠百斤丁卯建都王烏蒙及金齒一十二處俱降庚午立江淮荆湖江西四川行樞密院治建康鄂州撫州成都立耽羅國安撫司二月

按元典章是年二月諭各路堤堰總管府并州縣長官
常行驗視聽各道按察使糾察貧民情願復業者給付
原產仍免一切逋課私債三年後方許
取索此寬大之政也元史本紀失載 辛巳浚揚州漕

河罷高麗造征日本船丁亥命翰林學士承旨色埒默
祀先農於藉田壬辰邕州賓州民黃大成等叛湖南宣
慰使色埒默將兵討之甲午罷羣牧所己亥罷河巴齊
開河之役以其軍及水手各萬人運海道糧放檀州淘
金五百人還家丁未括江南樂工命安塔哈發兵萬五
千人船二百艘助征占城船不足命江西省益之戊申

漳州盜起命江浙行省調兵進討遷故宋宗室及其大

臣之仕者於內地三月丁巳皇子北安王諾木歡

北安王元

史作北平王按諸王表諾木歡至元十九年
已改封北安王於此不得仍稱北平今據改至自北邊

右丞相安圖繼至丙寅帝如上都丁卯太廟正殿成奉

安神主乙亥高麗國王王賸以皇帝尊號禮成遣使來

賀

高麗傳是年三月不載來賀事

夏四月

按元典章是月從御史李昂言有父兄居憲臺而子姪為

按察使或父兄為按察使而子姪在別道為官者並令迴避軍官毋受民詞押運毋帶私貨管民官自三月停訟十月始行和買諸物止從出產處所隨時給值不得強其所無重累百姓蓋世祖開國時規模如此元史本

紀失

壬午令軍民同築堤堰以利五衛屯田乙酉省泉

府司入戶部立大都留守司兼少府監立大都路總管
府立西川延安鳳翔興元宣課司壬寅呼圖克特穆爾
征緬之師為賊所敗戊申高麗王王晷及公主以其世
子諫來朝敕發思播田楊二家軍二千從征緬命開元
等路宣慰司造船百艘付狗國戍軍五月己酉從托克
托呼言立二千戶總欽察喀喇子弟願為國宣勞者戊
午敕中書省奏目及文冊皆不許用輝和爾字其宣命

劉付並用蒙古書乙丑蠲江南今年田賦十分之二其
十八年以前逋欠未徵者盡免之庚午括天下私藏天
文圖讖太乙雷公式七曜歷推背圖苗太監歷有私習
及收匿者罪之閏月己卯罷西南番安撫司立總管府
丙午以侍衛親軍萬人修大都城六月壬子遣使分道
尋訪測驗晷景日月交食歷法甲寅詔封皇子托歡為
鎮南王駐鄂州

諸王表
作揚州

甲子命伊蘇岱爾所部軍六十

人淘金雙城移和琳屯田軍於五條河

按五條河舊作
五河考本卷二

十二年亦書移五條河屯田軍則此顯係脫字今增秋七月丁丑朔敕荆湖西川

兩省合兵討乂巴散毛洞蠻已卯立衍福司中書省臣
言宰相之名不宜輕授今占城省臣已及七人宜汰之
詔軍官勿帶去銜戊子詔鎮南王托歡征占城遣所留
安南使黎英等還其國八月丁未雲南行省言華帖白
水江鹽井三處土老蠻叛殺諸王及行省使者調兵千
人討之定擬軍官格例以河西回回輝和爾等依各官
品充萬戶府達嚕噶齊同蒙古人女真契丹同漢人若

女真契丹生西北不通漢語者同蒙古人女真生長漢地者同漢人已酉御史臺臣言無籍之軍願從軍殺掠者初假之以張渡江兵威今各持弓矢剽劫平民若不分隸各翼恐生他變詔遣之還家甲子放福建畬軍收其軍器其部長於近處州郡民官遷轉庚午車駕至自上都九月甲申併市舶入鹽軍司立福建等處鹽課市舶都轉運司中書省言福建行省軍餉絕少必於揚州轉輸事多遲誤若併兩省為一分命省臣治泉州為便

詔以中書右丞行省事孟古岱為江淮等處行中書省
平章政事其行省左丞呼喇珠蒲壽庚參政管如德分
省泉州丙申以江南總攝嘉木楊喇勒智發宋陵冢所
收金銀寶器修天衣寺甲辰海南貢白虎獅子孔雀冬
十月丁未享於太廟己酉敕管軍萬戶為行省宣慰使
者毋兼管軍事仍為萬戶者毋兼益民政辛酉征東招
討司以兵征古珪敕宋有手記軍死則以兄弟若子繼
之毋文其手丁卯以招討使張萬為征緬招討使佩三

珠虎符戊辰立常平倉以五十萬石價鈔給之十一月
戊子命北京宣慰司修灤河道庚子以范文虎為左丞
辛丑和爾果斯敏珠爾丹張雄飛溫迪罕皆罷前右丞
相安圖復為右丞相前江西權茶運使盧世榮為右丞
前御史中丞史樞為左丞博囉默色哈雅薩題勒密實
並參知政事前戶部尚書貝降參議中書省事敕中書
省整治鈔法定金銀價禁私自回易癸卯福建行省遣
使人巴噶魯斯招降南巫里別里刺里倫大力等四國

各遣其相奉表以方物來貢以江淮間自襄陽至東海
多荒田命司農司立屯田法募人開耕免其六年租稅
并一切雜役十二月甲辰朔中書省臣言江南官田為
權豪寺觀欺隱者多宜免其積年收入限以日期聽人
首實踰限為人所告者徵以其半給告者從之立常平
鹽局乙巳崔彧罷以丁壯萬人開神山河立萬戶府以
總之甲子以高麗提舉司隸工部乙丑祀太一丙寅荆
湖占城行省遣八番劉繼昌諭降龍昌龍寧延萬等赴

闕奉羊馬白氍來貢各授本處安撫使立宣慰司招撫
西南諸番等處酋長癸酉命翰林承旨色埒默翰林集
賢大學士許國禎集諸路醫學教授增修本草是月鎮
南王軍至安南殺其守兵分六道以進安南興道王以
兵拒於萬劫進擊敗之萬戶倪閏戰死於劉邨按安南
傳鎮南
王征安南陳日烜拒戰載在至元二十二年二月諸王
表同續通鑑綱目與元紀俱載於二十一年十二月

宋太皇太后謝氏卒於燕

二十二年春正月戊寅弛民間買賣金銀及懷孟諸路

竹貨江淮以南江河魚利之禁庚辰毀宋郊天臺壬午
詔立市舶都轉運司立上都等路羣牧都轉運使司諸
路常平鹽鐵坑冶都轉運司戊子徙江南樂工八百家
於京師西川趙和尚自稱宋福王子廣王及真定民劉
驢兒謀不軌事覺皆磔裂以徇移五條河屯田軍五百
於兀失蠻札失蠻乙未盧世榮奏罷行御史臺以其所
屬按察司隸御史臺丙申帝畋於近郊以阿必實克為
中書平章政事命禮部領會同館辛丑以楊烏魯克岱

為征古珪招討使壬寅造大樽於殿是月壬午烏瑪刺
領兵與安南興道王遇擊敗之乙酉安南世子陳日烜
遁去入其城索多唐古特等引兵與鎮南王會二月乙
巳駐蹕柳林增濟州漕舟三千艘役夫萬二千人改江
淮江西元帥招討司為上中下三萬戶府蒙古漢人新
附諸軍相參作三十七翼上萬戶宿州蘄縣真定沂郟
益都高郵沿海七翼中萬戶棗陽十字路邳州鄧州杭
州懷州孟州真州八翼下萬戶常州鎮江潁州廬州亳

州安慶江陰水軍益都新軍湖州淮安壽春揚州泰州
弩手保甲處州上都新軍黃州安豐松江鎮江水軍建
康二十二翼翼設達嚕噶齊萬戶副萬戶各一人以隸
所在行院丙午以荊湖行省所隸八番羅甸隸西川行
省己酉為皇孫河南達立行福司使同知副使各一員
辛亥廣東宣慰使頁特密實討潮惠二州盜郭逢貴等
四十五寨皆平辛酉御史臺臣言近中書奏罷行御史
臺改按察司為提刑轉運司俾兼錢穀而糾彈之職廢

請令復議從之壬戌中書省臣盧世榮請立規措所經

營錢穀從之升御帶庫為章佩監

按元史百官志御帶庫隸於章佩監監秩

正三品至元二十二年置庫秩從五品至元二十九年置歲月既殊亦非升秩也

申嚴私造酒

麴戊辰車駕如上都以安圖言復立行御史臺於江州

立真定濟南太原甘肅江西江淮湖廣等處宣慰司兼

都轉運使司以治課程立江西江淮湖廣造船提舉司

以昂吉爾岱為中書左丞相己巳復立按察司以和塔

拉為平章政事立供膳司三月

按元典章是月禁民間不得織造銷金緞匹倡

優市井諸婦不得妄用金飾釵
元史本紀失載 丙子遣太史監候張公

禮彭質等往占城測候日晷癸未罷甘州行中書省立

宣慰司隸寧夏行省庚子照依舊制凡鹽一引四百斤

價銀十兩折鈔為二十貫夏四月癸卯立行樞密院都

鎮撫司庚戌監察御史陳天祥劾中書右丞盧世榮罪

惡詔皆赴上都面質壬戌御史中丞阿拉克特穆爾等

以盧世榮所招罪狀上奏世榮對於帝前悉款服詔安

圖與諸老臣議世榮所行當罷者罷之更者更之其所

用人實無罪者朕自裁決癸亥敕以敏珠爾丹所行清
潔與安圖治省事五月甲戌以御史中丞郭佑為中書
省參知政事丁丑減上都商稅戊寅以遠方厯日取給
京師不以時至荆湖等處四行省所用者隆興印之哈
喇章河西四川等處所用者京兆印之詔甘州每地一
頃輸稅三石壬午以軍千人修阿克實鹽場倉以實都
為達刺裕勒招討使右巴等洞蠻平甲申立汴梁宣慰
司依安西王故事汴梁以南至江以親王鎮之丁亥中

書省臣言六部官冗甚可止以六十八員為額餘悉汰去詔擇其廉潔有幹局者存之戊子雲南行省臣圖卜特穆爾言蠲逋賦徵侵隱戍叛民明黜陟罷轉運給親王賦豪戶除重稅決盜賊增驛馬取質子定俸祿教農桑優學者卹死事捕逃七十六事命中書省議其可者行之戊戌陳日烜走海港鎮南王命李恒追襲敗之索多及恒皆戰死六月丙辰遣巴蘇呼阿里齋鈔千錠往馬八兒國求奇寶庚午減商稅罷牙行省市舶司入轉

運司秋七月甲戌敕秘書監修地理志戊寅分甘州屯
田新附軍三百人田於額齊訥之地甲申改竒爾濟蘇
等所平大小十谿洞悉為府州縣修汴梁城庚寅樞密
院言鎮南王托歡所總征交趾兵久戰力疾請於鄂囉
齊等三萬戶分蒙古軍千人江淮江西荆湖三行院分
漢軍新附軍四千人選良將將之取鎮南王托歡河爾
哈雅節制以征交趾從之復以唐古特為荆湖行省左
丞唐古特請放征交趾軍還家休息詔從托歡河爾哈

雅處之八月辛丑朔給鈔萬二千四百錠為本取息贍

甘肅二州屯田貧軍命有司祭斗三日丙辰車駕至自

上都己未復立泉府司九月

按八月以辛丑紀朔推之丙寅為二十六日戊辰為

二十八日九月二字應在此亥日上今仍其舊而識之

丙寅遣蒙古軍三千人屯

田清滄靖海戊辰罷禁海商省哈喇章金窩二宣撫司

為一治永昌立臨安廣西道宣撫司罷權醜乙亥中書

省以江北課程聽杭鄂二行省節制道途迂遠請改隸

中書從之丙子真獵占城貢樂工十人及藥材鱉魚皮

諸物丙戌速木都刺馬答二國遣使來朝癸巳烏蒙叛
命四川行院伊蘇岱爾將兵討之西崖門酋長阿者等
百餘戶來降冬十月己亥朔以鈔五千錠和糴於應昌
府復分河間山東鹽課轉運司為二遣阿薩爾哈雅使
安南遣舒蘇德濟領輝和爾戶一千戌哈刺章庚子享
於太廟癸丑立征東行省以安塔哈為左丞相劉國傑
陳巖並左丞洪俊奇右丞征日本賜托里察罕塔奇呼
阿薩爾等印令考覈中書省其制如三品丙辰以參議

持穆爾為參知政事戊午以江淮行省平章孟古岱為
江浙省左丞相升大理寺為都護府十一月戊寅遣使
告高麗發兵萬人船六百五十艘助征日本仍令於近
地多造船已丑御史臺臣奏昔宋以無室家壯士為鹽
軍數凡五千今存者一千二百二十二人性習凶暴民
患苦之宜給以衣糧使屯田自贍詔議行之癸巳敕漕
江淮米百萬石泛海貯於高麗之合浦仍令東京及高
麗各貯米十萬石備征日本諸軍期於明年三月以次

而發八月會於合浦乙未以圖嚙古為參知政事盧世榮伏誅丙申赦囚徒黥其面及招宋時賈私鹽軍習海道者為水江以征日本十二月丁未皇太子珍戩薨己未丹太廟楹辛酉立集賢院以濟嚙木領之丁卯敕有司祭北斗是歲命江浙轉運司通管課程集諸路僧四萬於西京普恩寺作資戒會七日夜命帝師聶爾巴沙克冒遵錐喇克巴等遮藏佛事於萬安興教慶壽等寺凡一十九會

欽定續通志卷六十

欽定四庫全書

史部

欽定續通志卷六十一

主事臣尹壯圖覆勘

總校官原任侍講臣王燕緒

欽定四庫全書

欽定續通志卷六十一

元紀五

世祖四

至元二十三年春正月戊辰朔以皇太子故罷朝賀禁
齋金銀銅錢越海互市甲戌詔罷征日本以江南廢寺
田土為人占據者悉付嘉木揚喇勒智修寺癸未罷鞏
昌二十四城拘權所以其事人有司辛卯命阿爾哈雅

等議征安南事宜丁酉畋於近郊禁沮擾鹽課二月己亥禁漢人持兵器甲辰諭皇子額森特穆爾調哈喇章軍從征交趾乙巳罷山北遼東道開元等路宣慰司立東京等處行中書省戊午併江南行樞密院四處入行省罷鬻江南學田癸亥太史院上授時厯經厯議敕藏於翰林國史院甲子立甘州行中書省丙寅以編地里書召曲阜教授陳儼京兆蕭輅蜀人虞應龍儼輅不至三月己巳遣侍御史程文海訪求江南人才浚中興路

河渠乙亥以敏珠爾丹仍中書右丞與郭佑並領錢穀
楊居寬典銓選立欽察衛親軍都指揮使司丙子帝如
上都詔行御史臺按察司以八月巡行郡縣罷徵在籍
百官俸之償萬億庫者夏四月庚子置燕南河東山東
宣慰司敕江南諸路財賦並隸中書省甲辰以山南淮
東淮西三道按察司隸內臺庚戌制謚法己未遣約蘇
穆爾鈎考荆湖行省錢穀以漢民就食江南者多又從
官南方者秩滿多不歸遣使盡徙北還中書省臣言比

奉旨凡為盜者毋釋今竊鈔數貫及佩刀微物與童幼竊物者悉令配役臣等議一犯者杖釋再犯依法配役為宜帝曰朕以漢人徇私用秦和律處事致盜賊滋衆故有是言人命至重今後非詳讞者勿輒殺人五月己巳荆湖行省阿爾哈雅上言約蘇穆爾在鄂省豈無貪賄臣亦請鈎考之詔遣參知政事圖爾哈樞密院判李道治書侍御史陳天祥偕行六月辛丑中書省臣言圖爾哈來奏前約蘇穆爾阿爾哈雅互請鈎考今阿爾哈

雅雖已死事之是非當令暴白帝曰此事自約蘇穆爾所發當依其言究行之乙巳以立大司農司詔諭中外以所定農桑輯要書頒諸路戊申括諸路馬凡色目人有馬者三取其二漢民悉入官敢匿與互市者罪之丁巳設陝西等路諸站總管府庚申以色徹肯為中書省平章政事辛酉封楊邦憲妻田氏為永安郡夫人領播州安撫司事秋七月己巳立營田總管府覈江南官田之為強豪所據者罷遼陽等處行中書省復北京咸平

等三道宣慰司庚午徙江淮行省於揚州立淮南洪澤

芍陂兩處屯田壬申置中尚監

按元史百官志至元十五年置尚用監二十年

罷二十四年改置中尚監紀書於二十三年與志互異

右丞拜達爾將兵討阿蒙

并其妻子禽之皆伏誅壬午總制院使僧格具省臣姓

名以上帝曰右丞相安圖右丞敏珠爾丹參知政事郭

佑楊居寬並仍前職以特穆爾為左丞其左丞相昂吉

爾岱平章政事阿必實克和塔拉皆別議仍諭中書選

可代者以聞癸巳銓定省院臺部官八月己亥免平陽

路貧民稅辛酉禁酒罷德平定昌二路置德昌軍民總
管府九月乙丑朔馬八兒須門那僧急里南無力馬蘭
丹那旺丁呵兒來來急闌亦帶蘇木都刺十國各遣子
弟上表來覲仍貢方物冬十月丁酉享於太廟己亥車
駕至自上都辛亥河決開封祥符陳留杞太康通許鄆
陵扶溝洧川尉氏陽武延津中牟原武睢州十五處調
南京民夫分築隄防癸丑諭江南各省所統軍官教練
水軍十一月乙丑以張瑄朱清並為海道運糧萬戶免

徵覆舟糧救禽獸字孕時毋畋獵十二月丙午置燕南
河東山東三道宣慰司罷大有署乙卯詔諸道宣慰司
在內地者設官四員江南者六員戊午翰林承旨色埒
默言國史院纂修太祖累朝實錄請以輝和爾字繙繹
俟奏讀然後纂定從之詔諸路分置六道勸農司庚申
置尚珍署於濟寧等路是歲以伊實策凌為帝師命西
僧遞作佛事於萬壽山玉塔殿萬安寺凡三十會大司
農司上諸路學校凡二萬一百六十六所

二十四年春正月戊辰浚河西務漕渠丙戌以參政程鵬飛為中書右丞阿里為中書左丞丁亥以巴雅爾哈雅為參知政事發新附軍千人從阿巴齊討安南復改江浙省為江淮行省賑鄂端及西邊饑民辛卯以淮東淮西山南三道按察司隸行御史臺命海道運糧萬戶張文虎等分道討交趾二月壬辰朔遣使詣龍虎閣皂三茅設醮召天師張宗演赴闕甲午畋於近郊乙未以敏珠爾丹為平章政事甲辰以范文虎為中書右丞商

議樞密院事壬子設都總管府以總皇子北安王民匠
鄂端大小財賦戊午敕諸王實喇特穆爾節制諸軍以
趙與芮子孟桂襲平原郡公納顏遣使徵東道兵諭實
喇特穆爾毋輒發閏月癸亥敕春秋二仲月上丙日記
堯帝祠乙丑畋於近郊召敏珠爾丹特穆爾楊居寬等
與集賢院大學士諤爾根薩里及葉李程文海趙孟頫
論鈔法敏珠爾丹言自制國用使司改尚書省頗有成
效今仍分兩省為便詔從之各設官六員其尚書以僧

格特穆爾平章政事諤爾根薩里右丞葉李左丞馬紹
參知政事餘一員議選回回人充辛未以復置尚書省
詔天下除行省與中書議行餘並聽尚書省從便以開

立國子監設國學監官生員百二十人

按百官志國子
學至元二十四

年置生員
額二百人

蒙古漢人各半仍隸集賢院設江南各道儒

學提舉司甲辰

按辛未之後乙酉之前不應有
甲辰日應係甲戌或甲申之訛

車駕還

宮乙酉罷江南竹木柴薪及岸例魚牙諸課敕行省宣
慰司勿濫舉官吏受除官延引歲月不即之任者追所

受宣敕鎮南王托歡徙鎮南京范文虎改尚書右丞商
議樞密院事改行中書省為行尚書省六部為尚書六
部以吏部尚書實都為尚書省參知政事庚寅車駕如
上都扎爾古齊哈喇哈斯等言去歲審囚官所錄囚數
南京濟南兩路應死者已一百九十人若總校諸路為
數必多宜留扎爾古齊數人分道行刑帝曰囚非羣羊
豈可遽殺耶宜悉配隸淘金三月甲午更造至元寶鈔
頒行天下中統鈔通行如故乙卯如涼陞遼東饑弛太

子河捕魚禁丙辰命都水監開汶泗水以達京師夏四月諸王納顏反五月己亥諭北京等處宣慰司凡隸納顏所部者禁其往來毋令乘馬持弓矢壬寅戶工兩部各增尚書二員授高麗王王暎行尚書省平章政事帝自將征納顏發上都括江南僧道馬匹甲辰免北京今年歲絲銀仍以軍旅經行給鈔三千錠賑之壬子高麗王王暎請益兵征納顏以五百人赴之六月壬戌帝至實喇圖嚕之地納顏黨塔布岱以兵逼行在而陣遣前軍

敗之乙亥車駕駐齊達勒鄂爾多之地獲納顏輜重千餘秋七月癸巳納顏黨蘇都爾犯咸平宣慰達春從皇子阿雅噶齊合兵出瀋州進討宣慰伊爾蘇克分兵趣懿州其黨悉平壬子罷納顏所署分地移北京道按察司置豪州河西瓜沙等處立色辰屯田八月乙丑車駕還上都置江南四省交鈔提舉司己巳謫從叛諸王赴江南諸省從軍自劾丁亥立豐贍昌國濟民三署女人國貢海人九月戊申咸平懿州北京以納顏叛民廢耕

作以海運糧五萬石賑之壬子高麗王王暎來朝冬十

月戊午朔日有食之丙子檢覈中書錢穀殺參知政事

郭佑楊居寬

按殺字元史作誅考郭佑楊居寬為僧格所誣死以非罪誅字未合綱目書法恭依

御批

通鑑輯覽改

乙酉立陝西寶鈔提舉司羅北甸土官火者阿

禾及維摩合刺孫之子並內附丙戌立遼陽等處行尚

書省十一月壬辰以僧格為尚書右丞相兼統制院使

領功德使司事右丞諤爾根薩里為平章政事葉李為

右丞參知政事馬紹為左丞戊戌以巴實伯里漢軍及

新附軍五百人屯田哈瑪爾伊蘇奇爾之地庚子免大

都路今年田租壬子以江西行省平章呼圖克特穆爾

督捕廣東等處盜賊十二月

按元典章是月定告病官限期三年以下者叙用五

年以下者降一等七年以下者降二等七年以上者不叙元史本紀失載癸亥立尚乘寺金

竹寨主纒哩等以所部百二十五寨內附丁卯減揚州

省歲額米十五萬石以鹽引五十萬易糧免浙西餘課

三千錠聽民自漁發河西甘肅等處富民千人往色辰

地與漢軍新附軍雜居耕植丁丑以朱清張瑄海漕有

勞遙授宣慰使乙酉鎮南王以諸軍渡富良江次交趾
城下敗其守兵陳日烜與其子棄城走敢喃堡是歲命
西僧嘉勒燦旺布博斯噶等作佛事坐靜於大殿寢殿
萬壽山五臺山等寺凡三十三會

二十五年春正月陳日烜復走入海鎮南王以諸軍追
之不及引兵還交趾城庚寅祭日於司天臺辛卯毀中
統鈔板乙未論征東功將士升賞有差戊戌大赦敕弛
遼陽魚獵之禁惟毋殺孕獸癸卯海都犯邊命諸王珠

卜統兵北征丙午畋於近郊己酉詔中興西涼毋得沮
壞河渠兩淮兩浙毋得沮壞歲課賑遼陽軍民饑癸丑
詔行大司農司各道勸農營田司巡行勸課舉察勤惰

營田原誤作屯
田據百官志改

增置淮東西兩道勸農營田司二月丁

巳鎮南王引兵還萬劫壬戌敕江淮勿捕天鵝弛魚鰓
禁丙寅改南京路為汴梁路北京路為武平路西京路
為大同路東京路為遼陽路中興路為寧夏府路詔徵
葛洪山隱士劉彥深己卯以高麗國王王賸復為征東

行尚書省左丞相以江南站戶貧富不均命有司料簡合戶稅至七十石當馬一匹並免雜徭獨戶稅逾七十石願入站者聽辛巳以杭州西湖為放生池壬午命皇孫雲南王額森特穆爾帥兵鎮大理三月戊子車駕還宮庚寅帝如上都壬寅禮部言會同館蕃夷使者時至宜令有司倣古職貢圖繪而為圖及詢其風俗土產去國里程籍而錄之實一代之盛事從之鎮南王以諸軍北還陳日烜遣使來謝進金人代已罪夏四月徵宋江

西招諭使謝枋得不至癸亥渾河決發軍築堤捍之乙丑廣東賊董賢舉等反剽掠吉贛瑞撫龍興南安韶雄汀諸郡戊辰浚齊刺河以溉衮諾爾黃土山民田甲戌萬安寺成佛像及牕壁皆金飾之庚辰安南國王陳日

烜遣中大夫陳克用來貢方物

按安南國傳陳日烜之立存至元十四年紀內

仍書安南世子者以其不請命而自立也自後歷年用兵至二十五年日烜遣使謝罪故是年四月始書安南國王非日烜至是始立也甲申詔皇孫特穆爾撫諸軍討叛王和爾

果斯哈坦多羅千五月戊子諸王察罕子庫庫岱叛綽

和爾執之以來乙未遣官分道置局鈎考中統鈔本壬寅渾天儀成六月甲寅朔以新附軍修尚食局戊辰海都將額布勒綽諾以兵犯伊爾根淖爾管軍元帥阿爾岱擊却之壬申以睢陽霖雨河溢害稼免其租甲戌改西南番總管府為永寧路丁丑發兵千五百人詣漢北浚井癸未處州賊柳世英寇青田麗水等縣浙東道宣慰副使史耀討平之秋七月丙戌弛寧夏酒禁以保定路霖雨害稼蠲今歲田租壬子命鄂端戍兵三百一十

人屯田命六衛造軍器八月癸酉以河間等路鹽運司
兼管順德廣平綦陽三鐵冶丁丑減嘉祥魚臺金鄉縣
今年租庚辰分萬億庫為寶源賦源綺源廣源四庫九
月壬辰車駕至大都乙未罷檀州淘金戶都勒幹犯邊
庚子營五庫禁中以貯幣帛癸卯南臺御史中丞劉宣
自殺庚戌太醫院新編本草成冬十月己未享於太廟
庚申遣省院臺官十二人理算江淮江西福建四川甘
肅安西六省錢穀丙寅賜瀛國公趙焜鈔湖廣省言左

右江口溪洞蠻獠置四總管府統州縣洞百六十所調
官畏憚瘴癘多不敢赴請以漢人為達嚕噶齊軍官為
民職雜土人用之就擬瓜爾佳薩哈等七十四人以聞
從之庚午海都犯邊丙子始造鐵羅圈甲遣瀛國公趙
鼎學佛於土番己卯詔免儒戶雜徭尚書省臣請令集
賢院諸司分道鈎考江南郡學田所入羨餘貯之集賢
院以給多才藝者從之十一月丁亥以何榮祖為參知
政事禁有分地臣私後富室為柴米戶及賦外一切雜

徭十二月丁巳海都犯邊巴圖爾約蘇圖迎擊死之乙亥湖頭賊張治因掠泉州丙子伊蘇布哈以實勒們叛甘肅行省官約諸王巴拜巴爾達噶駙馬昌吉合兵討之實勒們以其屬西走追執之歸於京師庚辰以雨雹河溢害稼減民租

二十六年春正月丙戌開安山渠己丑發兵塞沙陀間德勒格爾河辛卯沙布鼎上市舶司歲輸珠四百斤金三千四百兩詔貯之以待貧乏者哈坦入寇戊戌蠲汀

漳二州今年租壬寅罷膠萊海道運糧萬戶府癸卯賊
鍾明亮寇贛州掠寧都據秀嶺詔發江淮省及鄰郡戍
兵五千遷江西省參政管如德為左丞使將兵討之畬
民卹大老集衆千人寇長泰縣福州達嚕嚕齊托歡同
漳州路總管高傑討平之戊申以荆南按察使所統遼
遠割三路入淮西二路入江西二月丙寅詔自泉州至
杭州立海站十五專運番夷貢物及商販奇貨丁卯帝
如上都以中書右丞相已延知樞密院事將兵鎮和琳

置知院自此始

以拜達勒為中書平章政事哈坦兵寇呼嚕口

開元路治中烏延雅勒呼擊破之己巳立左右翼屯田

萬戶府甲戌命鞏昌便宜都總帥汪惟和將所部軍萬

人北征乙亥省屯田六署為營田提舉司三月庚辰朔

日有食之台州賊楊鎮龍聚衆寧海僭稱大興國寇東

陽義烏浙東大震諸王昂吉爾岱時謫婺州帥兵討之

立雲南屯田以供軍儲癸巳金齒人塞完以其民二十

萬一千戶有奇來歸夏四月戊午禁江南民挾弓矢犯

者籍以為兵省江淮屯田打捕提舉司七所存徐邳海
州揚州兩淮淮安高郵昭信安豐鎮巢蘄黃魚網石湫
十二所庚午沙河決發民築堤以障之甲戌以御史大
夫伊囉勒為太傅加開府儀同三司簽江西等處行尚
書省事置浙東江東江湖廣福建木棉提舉司福建
參知政事魏天祐執宋謝枋得至燕不屈死之五月庚
辰發武衛親軍千人濬河西務至通州漕渠丙申賊鍾
明亮率衆來降以參知政事實都為尚書左丞中書參

知政事何榮祖為參知政事

按百官志參知政事
中書省二員尚書省二員
此時

何榮祖蓋以中書
參政徙官尚書也

參議尚書省事張天祐為中書參知

政事己亥設回回國子學罷永盈庫以所貯上供幣帛

入太府監及萬億庫辛丑青山猫蠻以不莫臺卑包等

三十三寨相繼內附六月辛亥詔以雲南行省地遠州

縣官多闕六品以下許本省選辟以聞庚申諸王奈曼

岱敗哈坦兵於托果琳河丙寅永和爾犯邊辛未海都

犯邊和琳宣慰使奇卜同知柰曼岱副使巴噶圖爾皆

反應之甲戌西南夷中下爛土等處洞長忽帶等以洞三百寨百一十來歸乙亥金剛努寇扎蘭齊喇立江淮等處財賦總管府掌所籍宋謝太后貲產隸中宮秋七月戊寅朔海都犯邊帝親征開安山渠成詔賜名會通河甲申四川山齊蠻民四塞五百五十戶內附丙戌命百官市馬助邊辛卯遣揚珠濟達詣江南搜訪術藝之士發和琳所屯竒爾濟蘇等軍北征八月乙卯免宜章縣今年租辛酉免大都路今年租仍減價糶諸路倉糧

九月己卯置高麗國儒學提舉司丙戌罷濟州泗汶漕
運使司丁亥罷鄂端宣慰使元帥府癸巳以京師糴貴
禁有司拘雇商車丙申江淮省平章沙布鼎言提調錢
穀積怨於衆乞如約蘇穆爾例撥戍兵三百人為衛從
之冬十月乙卯以八番羅甸隸湖廣省丙辰禁内外官
受人饋酒食者沒其家貲之半甲子享於太廟閏月戊
寅帝還大都庚辰令稅賦並輸至元鈔商販中統料鈔
聽易至元鈔以行頁特宥實以首賊卹應祥董賢舉歸

於京師丙戌西南夷生番心梭等八族內附廣東賊鍾
明亮復反韶雄諸賊舉兵應之詔頁特密實復與福建
江西行省合兵進討丙申婺州賊葉萬五寇武義縣江
淮行省平章布琳濟達將兵討之庚子取石泗濱為磬
以補宮縣之樂辛丑羅斛女人二國遣使來貢方物十
一月壬子漳州賊陳機察等寇龍巖執千戶張武義與
楓林賊合福建行省兵大破之陳機察卹大老張順等
以其黨降癸丑建寧賊黃華弟福結陸廣馬勝復謀亂

事覺皆論誅十二月辛巳詔括天下馬一品二品官許乘五匹三品三匹四品五品二匹六品以下皆一匹徒宋趙氏族人散居江南者居京師丁亥封子庫庫楚為寧遠王甲午以官軍萬戶汪惟能為征西都元帥將所部軍入漠其先戍漠兵毋令還翼庚子巳延遣使來言邊民乏食詔賜網罟使取魚自給是歲詔天下梵寺所貯藏經集僧看誦仍給所費歲為例大聖壽萬安寺置梅檀佛像命帝師及西僧作佛事坐靜二十會

二十七年春正月庚戌以河東山西道宣慰使阿里和卓為尚書右丞宣慰使如故癸丑敕從臣子弟入國子學丙寅命高麗國發耽羅戍兵討哈坦餘寇癸酉復立興文署掌經籍板及江南學田錢穀二月乙亥朔立全羅州道萬戶府辛巳括河間實保齊戶口己丑江西羣盜鍾明亮等復降詔徙為首者至京師而給其餘黨糧辛卯復立南康興國權茶提舉司發虎賁更休士二千人赴上都脩城癸巳以晉陵無錫二縣霖雨害稼免其

租江西賊華大老黃大老等掠樂昌諸郡行樞密院討平之三月己未放罷福建獵戶沙魚皮戶為民發雲州民夫鑿銀洞庚申罷行司農司及各道勸農營田司立江南營田提舉司掌僧寺貲產放壽潁屯田軍千九百五十九戶為民撤江南戍兵代之置金竹府大隘等四十二砦蠻夷長官甲子楊震龍餘衆剽浙東總兵官討賊者多俘掠良民敕行御史臺分揀之夏四月癸酉朔車駕如上都癸未罷海道運糧萬戶府改利津海道運

糧萬戶府為臨清御河運糧上萬戶府發六衛漢軍萬人伐木為修城具罷發遣江南兼并戶及宋宗族之赴京師者丙戌遣桑節喇實等詣馬八兒國訪求方伎士五月乙巳哈坦寇開元戌申江西行省管如德江西行院頁特密實合兵討反寇鍾明亮罷江西行樞密院庚戌以陝西南市屯田隕霜殺稼免其租戌午移江西行省於吉州以便捕盜丙寅罷奉宸庫江西行省言吉贛湖南廣東福建以禁弓矢賊益發乞依內郡例許尉兵

持弓矢從之庚午括天下陰陽戶口仍立各路教官有
精於藝者歲貢各一人六月壬申朔以太康河溢免其
租甲戌桑州總管黃布蓬那州長羅光寨安郡州長閉
光過率蠻民萬餘戶內附庚辰繕寫金字藏經以韶州
樂昌縣並遭畚賊之亂免其租丙申完都城秋七月丙
午禁平地忙安倉釀酒犯者死癸丑罷緬中行尚書省
免大都路歲賦絲戊午貴州猫蠻三十餘人作亂劫順
元路湖廣省檄八番蔡州均州二萬戶府及八番羅甸

宣慰司合兵討之丙寅雲南闔力白夷甸酋長凡十一
甸內附八月辛未朔日有食之庚辰免大都平灤河間
保定四路流民租及酒醋課九月乙巳禁諸王遣僧建
寺擾民平章政事實喇特穆爾帥師與哈坦戰於烏法
大破之戊申金竹府知府縑哩貢馬及雨糧且言金竹
府雖內附蠻民多未服近招降竹古弄古魯花等三十
餘寨乞立縣設長官總把參用土人從之丙辰赦天下
丁卯命江淮行省鈎考行教坊司所總江南樂工租賦

冬十月壬申封皇孫噶瑪拉為梁王賜金印出鎮雲南
癸酉享於太廟乙酉梁洞梁宮朝吳曲洞吳湯暖等凡
二十洞以二千餘戶內附己丑新作太廟登歌宮懸樂
以實保齋歲取鷓鴣成都擾民罷之十一月戊申江淮
行省平章布琳濟達言福建盜賊已平惟浙東一道地
極邊惡賊所巢穴宜復立三萬戶以哈喇岱一軍戍沿
海明台伊奇哩一軍戍溫處扎呼岱一軍戍紹興婺其
揚州建康鎮江三城跨據大江人民繁會宜置七萬戶

府杭州行省諸司府庫所在宜置四萬戶府錢塘控扼海口舊置戰船二十艘故海賊時出奪船殺人今宜增置戰船百艘海船二十艘則盜賊不敢發從之庚戌罷雲南會川路采碧甸子罷大都東西二驛托克托和斯以通政院總之十二月戊寅免大都平灤保定河間自至元二十四年至二十六年通租丙戌興化路仙游賊朱三十五集衆寇青山萬戶李綱討平之乙未摘蒙古軍萬人分戍雙城及博索府諸城以防哈坦兵己亥處

州青田賊劉甲乙等集衆萬餘人寇温州平陽命帝師西僧遞作佛事坐靜於萬壽山厚載門察罕淖爾聖壽萬安寺桓州南屏庵雙泉等所凡七十二會

二十八年春正月辛亥罷汴梁至正陽杞縣睢州中牟鄭唐鄧十二站站戶為民丁巳遣呼雅克齊四百人北征辛酉罷江淮漕運司併於海船萬戶府由海道漕運免江淮貧民至元十二年至二十五年逋租及二十六年未輸田租罷淘金提舉司壬戌尚書省臣僧格等以

罪罷二月辛未徙萬億庫金銀入禁中富寧庫癸酉以隴西四川總攝年扎克鐘鼐為諸路釋教都總統改福建行省為宣慰司隸江西行省詔行御史臺勿聽行省節度丙子罷徵理司丁丑以太子右詹事諤勒哲為尚書右丞相翰林學士承旨博果密平章政事己卯立金齒等處宣慰司都元帥府壬午以僧格沮抑臺綱又筮監察御史命御史大夫阿爾婁辨正之癸未帝如上都乙酉立江淮湖廣江西四川等處行樞密院以集賢大

學士何榮祖為尚書右丞集賢學士賀勝為尚書省參知政事詔江淮行省遣蒙古軍五百漢兵千人從皇子鎮南王鎮揚州丁亥營建宮城南面周廬以居宿衛之士執僧格妻黨湖廣行省平章約蘇穆爾至京師戊子籍約蘇穆爾家貲癸巳籍僧格家貲三月己亥朔僧格妻弟燕南宣慰使巴結伊特以受賂積贓伏誅辛酉發侍衛兵營紫檀殿壬戌以甘肅行省右丞崔或為中書右丞南丹州莫國麟入覲授國麟安撫使夏四月甲戌

以地震免侍衛兵籍武平者今歲徭役庚辰弛杭州西湖禽魚禁五月戊戌遣托克托塔喇海呼遜三人追究僧官江淮總攝嘉木楊喇勒智等盜用官物以參知政事廉希恕為湖廣等處行省右丞行海北海南道宣慰使都元帥瓊州安撫使陳仲達海北海南道宣慰使都元帥湖廣行省左右司郎中布延伊蘇巴實伯里副元帥王信並同知海北海南道宣慰司事副元帥將二千二百人征黎蠻立左右兩江宣慰司都元帥府甲辰中

書省臣敏珠爾丹崔或言僧格當國四年諸臣多以賄
進親舊皆授要官唯以欺蔽九重賸削百姓為事宜令
兩省嚴加考覈並除名為民從之約蘇穆爾伏誅辛亥
徵太子贊善劉因不起僧格弟鞏昌宣慰使達爾瑪達
實自殺詔下僧格於獄癸丑罷尚書省事皆入中書改
尚書右丞相右詹事諤勒哲為中書右丞相平章政事
敏珠爾丹博果密並中書平章政事尚書右丞何榮祖
中書右丞尚書左丞馬紹中書左丞參知政事賀勝高

翦並參知中書政事征東行尚書省左丞相駙馬高麗
國王王暉為征東行中書省左丞相丁巳建白塔二各
高一丈一尺以居呪師多斯德桑節等七人何榮祖以
公規治民禦盜理財等十事輯為一書名曰至元新格
命刻版頒行使百司遵守己未以默德齊復為御史大
夫行御史臺事六月丁卯朔禁蒙古人往回回地為商
辛巳洞蠻鎮遠立黃平府乙酉洗國王洞主市備什王
弟同來朝益江淮行院兵二萬擊郴州桂陽寶慶武岡

四路盜賊以汴梁逃人男女配偶成家給農具耕種秋
七月丙申朔置建都金冶令旁近民煉金輸官戊申罷
江南諸省買銀提舉司丁巳僧格伏誅募民耕江南曠
土戶不過五頃官授之券俾為永業三年後征租遣哈
克繖總兵討平江南盜賊己未罷淘金提舉司壬戌弛
畿內秋耕禁八月己巳罷江西等處行泉府司大都甲
匠總管府廣州人匠提舉司廣德路錄事司乙酉遣默
色和斯乘傳詣雲南捕黑虎戊子咀喃番邦遣馬不刺

罕丁進金書寶塔及黑獅子辛卯命工部造飛車九月
辛丑以平章政事敏珠爾丹高議中書省事復以咱希
魯鼎平章政事代之丙午立行宣政院治杭州壬子命
海船副萬戶楊祥哈瑪爾張文虎並為都元帥將兵征
琉球既又以祥為宣撫使阮監兵部員外郎吳誌斗禮
部員外郎齋詔招諭琉球明年祥等不能達而還冬十
月壬申以前緬中行尚書省平章政事舒蘇德濟為中
書省平章政事癸酉享於太廟癸未羅斛國王遣使上

表以金書字仍貢黃金象齒丹頂鶴五色鸚鵡翠毛犀
角篤耨龍腦等物罷各行樞密院事入行省己丑敕沒
入嘉木楊喇勒智沙布鼎烏瑪喇妻並遣詣京師癸巳
免衛輝種仙茅戶徭役十一月乙卯新添葛蠻宋安撫
率洞官阿汾青貴來貢方物諭中書省議增中外官吏
俸戊午金齒國遣阿腮入覲辛酉置望雲銀冶十二月
乙丑籍特默齊巴噶岱爾等六萬戶成丁者為兵己巳
宣政院臣言宋全太后瀛國公母子已為僧尼有地三

百六十頃乞如例免徵其租從之辛未御史臺臣言鈞
考錢穀自中統初至今餘三十年更阿哈瑪特僧格當
國設法已極而其餘黨公取賄賂民不堪命不如罷之
有旨議擬以聞壬申立河南江北行中書省治汴梁中
書省臣言江南在宋時差徭為名七十有餘歸附後一
切未徵今分隸諸王城邑歲賜之物仰給京師又中外
官吏俸少似宜量添可令江南依宋時諸名征賦盡輸
之何榮祖言宜召各省官任錢穀者詣京師集議科取

之法以聞從之甲戌詔罷鈞考錢穀應昔年逋負錢穀
文卷聚置一室非奉命而視之者罪之丙戌八番洞官
吳金叔等以所部二百五十寨民二萬有奇內附戊子
詔釋天下囚非殺人抵罪者辛卯授策凌巴鄂爾且勒
為帝師統領諸國僧尼釋教事

按釋老傳策凌巴鄂爾
且勒為帝師在至元三

十一年此載於二
十八年與傳不符

令僧羅卜藏等遞作佛事坐靜於聖

壽萬安涿州寺等所凡五十度

二十九年春正月甲午朔日有食之己亥開通州漕河

以郭守敬領都水監事庚子詔招諭江西福建汀漳諸處百姓入山避盜者使復其業禁商賈私以金銀航海甲辰詔江南州縣學田其歲入聽其自掌春秋釋奠外以廩師生及士之無告者貢士莊田則令覈數入官丙午詔諭未附平伐大甕眼紫江皮陵潭溪九堡等處諸洞貓蠻癸丑立織造段匹提舉司壬戌召嗣漢天師張與棣赴闕二月甲子朔金竹酋長纒哩貢馬羶各二十有七詔減所部貢馬賜新附黑蠻衣襖遣回命進所產

朱砂雄黃之精善者丁卯畋於近郊己巳除問刑官鞭背法庚午烏魯斯招附桑州生苗羅甸國古州等峒酋長三十一所詣闕貢獻壬申遣使分行諸路釋死罪以下囚乙亥立總管高麗女真漢軍萬戶府以泉府太卿伊克穆蘇鄧州舊軍萬戶史弼福建行省右丞高興並為福建行中書省平章政事將兵征瓜哇詔加高麗王王暎太保仍錫功臣之號遣諸王之從逆者於各邊俾從軍自效戊子禁杭州放鷹三月壬寅御史大夫阿爾

婁等奏比監察御史商琥舉昔任詞垣風憲時望所屬
如胡祇通姚燧王暉雷膺陳天祥楊恭懿高道程文海
陳儼趙居信十人宜召置翰林備顧問帝曰朕未深知
俟召至以聞丁未尼雅斯拉鼎摩哩以盜取官民鈔一
十三萬餘錠實都以徵理逋負迫殺五百二十人皆伏
誅王巨濟與寶都同惡并誅之定賊罪十三等枉法者
五不枉法者八己酉以大司農同知宣徽院事兼領尚
膳監事特爾格翰林學士承旨通政院使兼知尚乘寺

事琳沁並為中書平章政事兼領舊職中書省臣言右丞何榮祖以疾平章政事敏珠爾丹以久居其任乞令免署惟食其祿與議中書省事從之以阿里為中書右丞梁溫都爾為參知政事庚戌車駕如上都壬子敕都水監分視黃河堤堰罷河渡司壬戌給還嘉木揚喇勒智土田人口之隸僧坊者夏四月辛卯設雲南諸路學校其教官以蜀士充五月丁未給還楊居寬郭佑家貲六月戊辰詔聽僧食鹽不輸課壬申鐵旗城後齊蘇哲

爾率其族類部曲三千餘戶來附甲戌設司籍庫隸太
府監儲物之籍入者閏月壬寅罷福建歲造象齒鞞帶
辛亥左江總管黃堅言其管內黃聖許聚衆二萬據忠
州乞調軍萬人土兵三千人命劉國傑討之臣願調軍
民萬人以從詔許之甲寅右江岑從毅降詔以其子斗
榮襲鎮安路總管是月詔諭廉訪司巡行勸課農桑禮
部尚書張立道郎中奎騰使安南回以其使臣阮代乏
何維岩至闕陳日燭拜表牋修歲貢秋七月庚申朔以

史弼代伊克穆蘇高興將萬人征瓜哇遣使檢覈竄名
鷹坊受糧者辛酉河南江北道廉訪司還治汴梁癸亥
完大都城壬申建社稷於和義門內庚辰敕雲南省擬
所轄州縣官如福建二廣例省臺委官銓選以姓名聞
隨給授宣敕八月壬辰敕禮樂戶仍與軍站民戶均輸
賦壬寅括唐古圖爾哈所部庫特齊及河西逃人入蠻
地者甲辰車駕至上都討浙東孟總把等賊敕諸軍
之駐福建者聽平章政事舍哩節度壬子詔達喇齊程

鵬飛討黃聖許劉國傑駐馬軍戍守戊午罷福建銀冶
詔布勒圖蒙果勒默色以軍征八百媳婦國九月辛酉
詔諭安南國王陳日燭使親入朝選湖南道宣慰副使
梁曾授吏部尚書佩三珠虎符翰林國史院編修官陳
孚授禮部郎中佩金符同使安南丁卯中書省臣言茆
蕪十圍安化等新附洞蠻凡八萬宜設管軍民司以其
土人蒙意蒙世莫仲文為長官以吕天佑塔布岱為達
魯噶齊八番宣慰使烏魯斯

按元史無宣慰使三字考
百官志有八番順元等處

宣慰使司烏魯斯時奉命經理其事不應舉其地而遺其官今據增招附光蘭州洞蠻宜

置定遠府就用其所舉圖罕高守文黃世曾音扎噶為
達嚕噶齊知府同知判官從之癸酉徙瓜沙二州民於
甘肅畫地使耕寧夏半藝紅花詔令盡種穀麥以補民
食辛巳罷雲南行臺徙置西川丁亥置烏思藏納喇蘇
古嚕遜等三路宣慰使司都元帥冬十月戊子朔詔福
建廉訪司知事張師道赴闕授翰林直學士癸巳燕公
楠言歲終各行省臣赴闕奏事亦宜令行臺臣赴闕奏

一歲舉刺之數從之丙申四川行省以洞蠻酋長向思聰等七人入朝壬寅授高德誠管領海船萬戶佩雙珠虎符以殷實陶大明副之令將出征水手甲辰星哈喇塔音國遣使入覲廣東道宣慰司遣人以暹國主所上金冊詣京師癸丑罷懷孟竹課十一月癸未禁所在私渡命關津譏察姦宄丙戌提省溪錦州銅人等洞酋長楊秀朝等六人入見進方物十二月庚寅改封皇孫梁王噶瑪拉為晉王鎮北邊癸巳罷寧國路鑿山歲額銀

己酉故麓川路軍民總管達嚕噶齊阿薩爾男本布同
趙昇等招木忽魯甸金齒土官忽魯馬男阿嚕來入見
貢方物丁巳敕都水監修治保定府沙塘河堤堰是歲
命國師諸僧呪師修佛事七十二會

三十年春正月壬戌遣使招諭漆頭金齒蠻丙寅命中
書汰冗員戊辰詔邊境無事令本軍屯耕以食庚午驗
洞酋長楊總國等來朝給尼奇哩女真牛價農具甲戌
罷尼雅斯拉鼎摩哩魚鹽局丙子西番一甸蠻酋三人

來覲各授蠻夷軍民官丁丑右丞相安圖卒二月己丑
以嘉木楊喇勒智子宣政院使溫普為江浙行省左丞
高麗國王王晷請易名曰晷減河南江浙海運米四十
萬石免大都今歲公賦以濟蘇摩哩與鬼蠻之民隸詹
事院丙申却江淮行樞密院官布琳濟達進鷹仍禁軍
官無從禽擾民丁酉回回伯克瑪哈瑪迪沙等獻大珠
還之發海運米給遼陽戍兵丁未車駕如上都以新附
洞蠻吳動鼉為潭溪等處軍民官辛亥發總帥汪惟和

所部軍三千征土番陝西四川兵征西番復立雲南行
御史臺詔沿海置水驛自耽羅至鴨綠江口凡十一所
令洪君祥董之申嚴江南兵器之禁三月庚申以同知
樞密院事扎薩克知樞密院事以平章政事范文虎董
疏漕河之役平章政事李庭率諸軍扈從甲子括天下
馬己巳立行大司農司夏四月己亥行大司農燕公楠
翰林學士承旨留夢炎言杭州上海澈浦温州慶元廣
東泉州置市舶司凡七所唯泉州物貨三十取一餘皆

十五抽一乞以泉州為定制從之仍併温州船司入慶
元杭州船司入稅務甲寅遣使招諭暹國授光州蠻人
光龍及邦崖王文顯金竹府馬麟大龍番禿盧忽永順
路彭世彊安化州吳再榮師璧散毛洞勾答什王等各
為蠻夷官敕江南毀諸道觀聖祖天尊祠五月壬戌定
雲洞蠻酋長來附癸亥括思播等處亡宋湮手軍丙寅
罷江浙行省左丞溫普以浙西大水令富家募佃人疏
決水道辛未敕僧寺邸店商賈舍止其物貨依例收稅

六月丙戌選河西質子軍赴皇孫阿南達所出征乙巳
以皇太子寶授皇孫特穆爾總兵北邊秋七月己未詔
皇曾孫松山出鎮雲南以皇孫梁王印賜之免福建歲
輸皮貨及泉州織作紵絲庚申命知鶴慶府實保齊齋
璽書招諭農順未附蠻寨壬申以伊徹察喇知樞密院
事丁丑新開通州漕河成賜名通惠河壬午以濟爾噶
呼所汰竒爾濟蘇戶七百屯田哈斯罕之地八月丙戌
括所在荒田無主名者令放良漏籍等戶屯田庚寅奉

使安南國梁曾陳孚以安南使人陶子竒梁文藻偕來
丁未設鎮守黎蠻海北海南屯田萬戶府九月癸丑朔
帝至自上都乙丑立海北海南博易提舉司稅依市舶
司例癸酉以御史臺贓罰鈔給衛士之貧者冬十月戊
子詔修汴堤己丑遣兵部侍郎哈喇托輝等使克呼格
爾納塔星哈喇塔音三國仍賜星哈喇塔音酋長三珠
虎符庚寅享於太廟甲辰赦天下庚戌造象蹄掌甲辛
亥禁江南州郡以乞養良家子轉相販鬻及強將平民

畧賣者十一月戊辰以金齒木朶甸戶口增立下路總管府給其長雙珠虎符庚午免江南都作院軍匠出征己卯以河南江北行省平章巴延入為中書省平章政事位特爾格琳沁博果密上十二月丁亥禁漢軍更番者毋鬻軍器乙未遣使督思播二州及鎮遠黃平發宋舊軍八千人從征安南庚子平章政事伊克穆蘇史弼高興等征交趾無功而還各杖而恥之仍沒其家貲三之一癸卯以僧格没入官田給額爾克烏蘭所司匠戶

省平章政事三十一年正月書知樞密院事
巴延至自軍中官位各不同蓋實兩人也 庚午帝大

漸癸酉崩於紫檀殿年八十葬起輦谷諡曰聖德神功
文武皇帝廟號世祖國語曰色辰皇帝

世祖中統四年至元三十一年凡三十五年

欽定續通志卷六十一